

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 207338 22 St
Zenica, 09.03.2026.. godine

Općinski sud u Zenici, sutkinja Marina Šapina, u stečajnom postupku nad društvom, Društvo sa ograničenom odgovornošću "RKB-RUDNIK KREČNJAKA BREZA" d.o.o. Breza, Vrankamen bb, Breza, u stečaju, odlučujući o prijedlogu stečajnog upravitelja Edina Hasanagića iz Vareša od 05.12.2025.god., nakon ročišta održanog dana 06.03.2026.god., kome su prisustvovali stečajni upravitelj Edin Hasanagić i punomoćnik povjerioca Porezna uprava F BiH KPU Zenica, Asaf Sarjalić, zaposlenik, dana 09.03.2026.godine donosi:

R J E Š E N J E

Zaključuje se stečajni postupak nad privrednim društvom: Društvo sa ograničenom odgovornošću "RKB-RUDNIK KREČNJAKA BREZA" d.o.o. Breza, Vrankamen bb, Breza, matični registarski broj subjekta upisa 43-01-0340-08 (stari broj 1-7922), JIB:4218271260008, nakon namirenja povjerilaca višeg isplatnog reda u iznosu od 107.462,52 KM što u procentu iznosi 39,64 % i razlučnih povjerilaca u iznosu 196.537,49 KM što u procentu iznosi 7,06 %.

Ovo rješenje će se objaviti u „Službenim novinama F BiH“, a nakon proteka roka od pet sljedećih radnih dana od objave isto se smatra dostavljeno svim licima i u slučajevima u kojima zakon predviđa posebnu dostavu.

Navedeno privredno društvo će se po pravomoćnosti ovoga rješenja brisati iz Registra društava, kod Općinskog suda Zenica, zavedeno pod brojem reg. ul. broj: 43-01-0511-16 i svih javnih registara.

O b r a z l o ž e n j e

Rješenjem ovog suda broj: 43 0 St 207338 22 St od 30.05.2022. godine, otvoren je stečajni postupak nad društvom Društva sa ograničenom odgovornošću "RKB-RUDNIK KREČNJAKA BREZA" d.o.o. Breza, Vrankamen bb, Breza, matični registarski broj subjekta upisa 43-01-0340-08 (stari broj 1-7922), JIB:4218271260008, kojim je za stečajnog upravitelja imenovan Edin Hasanagić iz Vareša.

Stečajni upravitelj je dana 17.06.2024.god., podnio prijedlog za glavnu diobu, koji je dopunjen podnescima od 01.08.2024.god. i podneskom od 12.09.2024.god.

Na ročištu održanom dana 21.02.2025.god., Stečajni upravitelj je izjavio da u cijelosti ostaje kod prijedloga glavne diobe. Navodi da su priznata potraživanja razlučnim povjeriocima u iznosu od 2.785.527,10 KM, potraživanja višeg isplatnog reda priznata su u iznosu od 271.111,39 KM, te su priznata i potraživanja općeg isplatnog reda cca. 160.000,00 KM plus zatezne kamate, koje nije obračunao jer se opći red nije mogao izmiriti. Vrijednost koja je postignuta za stečajnu masu, koja je u toku stečajnog postupka unovčena iznosi 378.763,40 KM, a u Izvještaju je naveo pojedinačno po razlučnim povjeriocima i stečajnim povjeriocima višeg isplatnog reda. Stečajni upravitelj navodi da je toku stečajnog postupka vršio prodaju imovine stečajnog dužnika i to prodaje nekretnina, postrojenja i opreme, prodaju sirovina, te naplata potraživanja koja je stečajni dužnik imao prema Društvu Asfalt gradanja d.o.o. stečaj, te je da je ukupno ostvaren prihod od 378.763,40 KM, dakle formirana je stečajna masa u iznosu od 378.763,40 KM. Raspoloživa sredstva za glavnu diobu iznose 304.000,00 KM, od čega se treba da se namire razlučni povjerioci u iznosu od 196.537,49 KM, u procentu 7,06 % od priznatih potraživanja, viši isplatni red u iznosu od 107.462,52 KM, što u procentu iznosi 39,6378 %, od

priznatih potraživanja. Dalje navodi da je obračunao troškove stečajnog postupka zaključno sa 19.02.2025. godine, uključujući i planirane troškove do kraja postupka u iznosu od 2.170,75 KM, a koji se odnose na troškove revizora kao i troškove računovodstva, objave i ostalo. Na prijedlog glavne diobe nije bilo prigovora niti primjedbi, niti je na ročištu prisutni punomoćnik povjerioca, Asaf Sarajlić, zaposlenik Porezne uprave F BiH KPU Zenica imao prigovora ni primjedbe na podneseni prijedlog glavne diobe. Podneskom od 15.05.2025.god. stečajni upravitelj je dostavio sudu dokaze o izvršenim uplatama po glavnoj diobi.

Podneskom od 17.09.2025.god., stečajni upravnik je dostavio Izvještaj o reviziji za privredno društvo Društvo sa ograničenom odgovornošću "RKB-RUDNIK KREČNJAKA BREZA" d.o.o. Breza -u stečaju za period od 31.05.2022.god. do 31.12.2024.god., u kojem je navedeno da priloženi finansijski izvještaji istinito i fer prikazuju u svim značajnim odrednicama finansijski položaj društva u periodu trajanja stečajnog postupka od 31.05.2022.god. do 31.12.2024.god., njegovu finansijsku uspješnost, te njegove novčane tokove za godine tada završene i u skladu sa Međunarodnim standardima finansijskog izvještavanja.

Podneskom od 05.12.2025.god. stečajni upravitelj je podnio prijedlog za zaključenje stečaja na d navedenim društvom u skladu sa odredbama čl. 190 Zakona o stečaju.

Na ročištu održanom dana 06.03.2026.god., stečajni upravitelj je naveo da je izvršio uplate po po završnoj diobi za što je i dostavio dokaze u spis, navodi da je dostavio i izvještaj o izvršenoj reviziji, te prezentira sudu na koji način su utrošeni novci u iznosu od 2.170,75 KM. Izjavljuje da su ta sredstva utrošena na sljedeći način: revizorskoj kući za izvršenu reviziju plaćen je iznos od 1.170,00 KM, za tri objave u Sl. novinama 3x po 50,00 KM, 70,00 KM uplaćeno je Ministarstvu finansija za islistavanje spiska zaposlenih u periodu od 2008 do 2014. godine. 100,00 KM troškovi stečaja koje je imao stečajni upravnik i ostatak su naknade banci. Pa kako društvo nema druge imovine, predlaže da sud zaključi stečajni postupak nad stečajnom dužnikom.

Prisutni punomoćnik povjerioca je izjavio da nema primjedbi na izvještaj stečajnog upravitelja, nema pitanja i da je suglasan sa prijedlogom stečajnog upravnika.

Imajući u vidu da na prijedlog za glavnu diobu nije bilo prigovora povjerilaca i kako je izvršena podjela sredstava predviđenih za istu, te da je dotvoren izvještaj o reviziji, sud je u skladu sa čl. 190 i čl. 204 Zakona o stečaju („Službene novine F BiH” broj: 53/21) donio odluku kao u izreci rješenja jer je prijedlog za zaključenje stečajnog postupka osnovan budući da društvo nema druge imovine koja bi se unovčila i iz koje bi se namirivali troškovi stečajnog postupka nastali daljim vođenjem stečaja.

POUKA O PRAVNOM LIJEKU:

Protiv ovog rješenja nije dozvoljena žalba.

Sutkinja:

Marina Šapina, v.r.